

仰啓三天主 元皇无上專 願臨血池獄
開度產亡魂和往生神仙界

執策杖行持

鐵圍極北血湖牢 宣化威靈職憲曹

雨露無私恩廣大 雷霆有赫禁周遭

龍符駕夜周三際 鳳詔乘晨遍八遙

珍重元皇恩澤溥 玉虛光稟任翔翔

元皇開度天專

歸位誦清靜經

向來神燈破暗丹簡開幽陰庭垣赫於陽光
夜登昭回於晝景神王稟命獻卒歎顏鐵壁
銅牆化寶節絲幢而接引水池火沼變祥雲
甘露以沾濡荷上聖之提携仰玄真之援拯
伏願亡故某及一切產魂濯沐晨輝澄清業
垢等虛空而更無染着達生生化化之機悟
具常而不礙去來造有有無無之妙耀驪珠
於滄海明晃魄於青霄見性成真迴光度命
三塗羅對十極同仁稽首皈依無極大道
念善
靈寶領教濟度金書卷之一百十五

靈寶領教濟度金書卷之一百十六

洞微高士開光救苦真人寶金具授

靈寶通玄私教水南先生林靈真編

科儀立成品血湖通場用

請降救救玉札立幕頌告儀

壇前立班

步虛 上香

具位且甚誠惶誠恐稽首頓首再拜上言
聞化機密運於三天妙陰陽而靈齋帝渥昭
回於萬有極生死以陶鑄永為硤石血湖之
牢實違無間鐵圍之境終天考對歷劫幽囚
非渙汗於德音超愛於滯識今有齋主某
伏為亡故某稟生女質沒命產傷形神穢腥
慮沉淪於幽域冤憎結習難解脫於冥關乞
就玄壇恭依金籙頌元皇之救救宣壁骨之
靈書提放幽靈來臨陽境重念且偶緣宿運
叨茲真階幸慶會於風雲羽儀八表盡承宣
於雨露澤潤三塗期教化育之功密贊生成
之德況茲亡真寶可驚神業蘊客塵隨六入
而六因自現識紫報障墮九夜而九死誰扶

宜無悔過之忱孰導登真之路擬依玉格宣

告金符流三炷而蕩五元救除業垢煥七星

而開九壘攝取真魂欲望上帝垂矜聖真曲

憫救下羅鄼寒夜泉曲幽庭地水職司城隍

社令依準開度時刻升遷玉龍飛躍於天衢

恩流夜壑金虎奔騰於地域威制冥曹副齋

主激切之忱遂微巨開度之念且不勝瞻天

望聖激切屏營之至謹伏案前恭伺天恩報

應

拜伏

誦大行梵炁章 三拜起

填赦

侍職喝

上清靈寶玄壇恭奉道旨頒行元皇救赦三

炁流光真符玉元蕩滌血湖真符北斗玄真

太乙混元玉札開度亡故某及一切產魂地

水職司城隍社令冥關幽路主者萬神各宜

整肅拱聽宣布

宜流光符 宜血湖符

宣教赦 宣玉札

吟飛空步虛頌

元皇救赦煥三天 萬道靈光照九泉
丹鳳銜來承詔渥 金雞飛下湛恩宣
血池化作青蓮沼 鄴域翻為七寶園
草鞠團圞生意溥 幽明萬類盡春妍

元皇開度天尊

引符簡赦札詣驛吏幕上香

焚香供養三炷流光符吏玉元蕩滌血湖符
吏某日直天丁地道功曹玄壇承受符檄
合屬真靈恭望聖聰俯垂鑒映伏以清微日
近玉符昭晰於天光驛吏風馳金簡開明於
地暗欲普好生之德爰依錫類之仁今有齋
主某資薦某肅建玄壇惠徵洪既宿寃浩浩
既因產以傷生幽域沉沉莫登具而度命叩
關竭蟻忱之切啓高祈鶴赦之頒已荷天休
俯從民欲爰念提携夜壑雖繇丹禁之疏息
奈何宣唱皇靈尤賴玄曹之贊化諒遵帝教
來蒞齋壇法衆運誠志心奉請

請神

三獻茶酒

步虛

某啓三炷流光符吏玉元蕩滌血湖符吏某
日日直天丁地道功曹玄壇承受符檄合屬
真靈伏以丹鳳自九天而下帝溥敷羅玉龍
遍十地而馳神威赫奕敢忘故命庸極傾心
以今奉為齋主某痛念亡故某身抱宿寃命
沉產厄血湖浩渺陽光永隔於腥風業海汪
洋天吏不臨於穢浪非由特赦曷得乘晨未
章期上帝之同仁白簡荷元皇之大德欲極
提於魂識實傳送於威靈伏望風馬雲車瞬
息遍黃泉之境金鑿鑿騎須臾開黑壤之關
身負恩給手提仁救五元滌罪三炷開幽帝
命有赦神聽母忽所有牒文謹當宣示

宣天丁牒

宣符吏牒

焚符簡赦

誦上天度人章

壇撤告備玄憲森羅宜疾其驅俾冥曹之敬
聽徑離所部提幽魄以來臨萬累清明一真
呈露其不勝虔祝之至

元皇開度天尊

引玉札至神虎幕上香

焚香供養比魁玄範倒生玄司追攝產魂徐
玉女主行玉札周吳徐三大神靈寶如意萬
司追攝散魂王陸胡徐周李馮七大神九天
香度院追攝產魂桓其人金將軍本靖玉將
副將玄壇追攝總局合屬威靈恭望聖慈俯
垂鑒映伏以金書啓選昭回三洞以垂文玉
札破幽主宰七靈而制命法雨欲蘇於黑部
仁風宜賴於清曹今有某資薦亡故某肅建
玄壇惠徵洪既念坎寥鄴域沉沉莫親於晨
陽况腥穢血湖香香難離於夜暗惟九天列
普度之將而萬司崇如意之神權統紫英職
尊素渥皆承宣於帝闕以極技於幽關綸綍
誕敷已下赦過宥罪之令憲章昭示盡施張
門毀鎖之威召役有期忱恂是切諒遵玉教
來蒞玄壇法衆運誠至心奉請

請神

三獻

某上啓北魁玄範府九天溥度院靈寶如意

萬司追攝產現一行官吏主行王札三大神
本靖主將副將追攝諸大元帥合屬史兵伏
以東極列飛龍之吏宣德承符北魁立神虎
之司追魂攝魄既列曹而懸事宜協力以書
勛以今伏為齋主某痛念亡故某質賦女流

命淪產厄業風鼓血湖之浪萬死堪憐慧日
燦鐵網之圍千冤可釋非由神力曷諸玄壇
庸宣慶曾之金章適告靈虛之玉篆嘯命十
宮六洞提携五苦三塗伏願鐵騎奔雲極風
輪而迅如掣電金戈耀日遵火令而去若流
鈴威制群魔仁敷列壘部衛魂魄脫離幽沉
帝命有嚴神聽毋忽所有牒文謹當宣示

宣諸司牒

焚玉札

誦上天度人章

壇檄告備天律有嚴攝北鄴檢鬼營不得容
隱度南宮除罪籍自在超凌帝有恩言神母
曠職亦不勝虔祝之至

向來頌

立六司幕召魂極沐浴朝禮儀

壇前序立

步虛

上香長跪

具位臣某誠惶誠恐稽首頓首再拜上言臣
聞下民惡死動之死地而不知上帝好生亦
以生方而無已嗟彼幽塗之滯魄孰非祖炁
之分靈忍使沉淪或孤化育今有某崇建道
場開度亡故某飛章籲帝頒札追魂諒綸緯
之肆馳教仙靈而受役載惟久淪地暗復隔
天光業對未清形神猶穢五行顛錯百體支
離非資神變以返生難俾超凌而度命欲望
慈悲廣運德澤周流申命有司疾分形而化
景各恭乃事庶體道以度生召役有期忱恂
再露仰希淵默俯賜允俞速齋主激切之情
副微臣開度之願某不勝虔祝之至再拜謹
言

元皇開度天尊

引詣解結司上香

焚香供養靈寶解結靈官五經博士能
談善說靈官聚魂攝魄斷邪歸真顯靈大神

震雷開照絕道生光忠德招義大神分釋究
對斷結除冤升濟大神九天解冤大神玄壇
解結司一切真眾仰冀威靈特垂鑒映伏以
巍巍闔闔昭宣一視之仁風赫赫班聯參贊
三乘之化雨玄壇羅列丹悃敷宣以令其資

薦亡故某及一切產魂痛慈海之塵迷究仇
報對致血湖之波漲形神穢腥非依開釋之
仁曷遂超升之樂朱章露奏玉敕風馳期覬
馭之從容鋪陳綠扉諒威靈之迅邁在止玄
壇法眾運誠志心法請

請神

三獻 步虛

某上啓靈寶解結司靈官真眾伏以度生死
海孰操彼岸之慈航越人我山重賴春衢之
慧燭亡故某及一切產魂采蘋賦質坐草傷
生慮三生四負之纏縈有萬劫千齡之汨沒
將行攝召來詣司存願劔佩之暫留勳旌旗
而少駐齊同慈愛開黍珠雨露之恩衣被籠
光慶霽開風雲之會某不勝懇祝之至

元皇開度天尊

引至監生司上香

焚香供養九天監生大神衛房聖母定生大神感化大神變胎大神六甲神吏送生童子送生君順生君速生君全生君南昌分胎功曹主產功曹迎散功曹起死功曹玄壇監生司一切具象仰冀威靈特垂鑒映伏以仁涵三極企丹闕之天開蒸灌九宵煥清曹之星列修齋激切請命勤渠以今某資薦亡故某及一切產魂昧天精天粹之神奇顛冥業海致地魄地魂之臭腐沉滯血湖匱依提拯之仁庶遂逍遙之樂金符夜下朱刺最馳期召役於威靈丹忱昭徹諒鋪陳於儀衛綠輦低回法衆運誠志心奉請

請神 三獻

步虛

恭上啓靈寶監生司靈官仙衆伏以負陰抱陽生化權衡於二炁出生入死樞機發育於九天亡故某及一切產魂稟質女流夫身產厄萬劫而穢腥莫滌千生而顛踣誰扶行攝神儀來恭聖慕望慈悲之曲映期幽薄之選

留已生未生皆得生契十轉迴靈之妙專度曲度無不度符九華救苦之仁某不勝懇祈之至

元皇開度天尊

引至天醫司上香

焚香供養天醫尚藥靈官玉辨形候靈官隨病製藥靈官修合鍛鍊靈官生形博士復肌主者治病功曹收毒將軍三五功曹敷藥靈官察脉論病靈官請藥療病靈官砭石小吏扁鵲官吏仙藥童子玄壇天醫司合屬真衆仰冀威靈俯垂鑒映伏以天聽無私羅千官而贊化神功莫測扶三極以同仁齋律有嚴真忱畢露以今某資薦亡故某及一切產魂三彭內訶秋風自剪於交梨二豎潛攻朝露溢先於坐草非飯依於九轉曷平復於一元誠顯丹輝恩頒玉敕靈光洞煥玄壇後聯事之儀梵炁扶搖綠輦前驅之仗法衆運誠志心奉請

請神 三獻

步虛

恭上啓靈寶天醫司靈官仙衆伏以地水火風病不離於四大神聖工巧醫實贊於三才亡故某及一切產魂緣愛傷生因胎殞命痛五臟六腑之荼衛未復致三部八景之靈識莫完行攝神儀來恭聖慕期同仁而拯治勒仙仗以違留補劑息懸符上品生成之妙迴尸起死證生天化育之功某不勝懇禱之至

元皇開度天尊

引詣混元司上香

焚香供養玉清混元十二炁化生大將軍玄壇混元司合屬真靈仰冀威靈特垂鑒映伏以玉清啓運煥慧日於中天金闕升班布慈雲於大地聿嚴齋福先控衷忱以今某資薦亡故某及一切產魂思夜察莫痛於血湖慨五神之枯朽乘晨陽難離於苦海奈九氣之飛揚非返本以生成曷登真而快樂靈章一奏風驛四馳鑿丹悃之數羅玄關命駕勒瓊輪而迅邁紅帟停驂法衆運誠至心奉請

請神 三獻

步虛

其上啓玉清混元大將軍一切真衆伏以一
氣周流聚散冥分於生死六陽變化生成密
佐於乾坤亡故其及一切產魂身抱宿冤命
沉產厄諒精神魄意之顛頓致金木水火
土之飄零行攝神儀來參聖慕願威靈之暫
駐拯神變之無方理五炁混百神符仙化成
人之妙離三途超八難證登真度命之玄其
不勝虔祝之至

元皇開度天尊

引詣沈澆司上香

焚香供養靈寶沐浴靈官玉清攝魔屏穢靈
官九鳳破穢靈官天河東井君沈澆夫人黃
華玉女石景水母仙花玉女五方五帝解穢
君五靈童子玉女使者九天運穢神君斬穢
神君滅穢神君洗穢神君蕩穢神君四靈解
穢神君玄壇沈澆司一切真衆仰冀威靈持
垂鑒映伏以丹闕端嚴法雨羅敷於象外清
曹赫奕慈風浩蕩於寰中齋列黃壇誠通未
表以今其資薦亡故其及一切產魂沉淪萬
劫宿根之塵垢紛葩奄忽一朝血湖之穢腥

跋蹇非仗神威之蕩滌曷令魂識之清明一
札心馳九重救下鋪張六帝諒雲馭之遙臨
提拯黃泉挽天河而曲度法衆運誠至心奉
請

請神 三獻

步虛

其上啓靈寶沈澆司靈官真衆伏以定水湛
八解之池澄清業垢玄泉濯五靈之液蕩滌
心塵亡故其及一切產魂身列女流命沉產
厄慮性識縈纏於腥穢而魂靈漬染於腥臊
將攝神儀來參聖慕願從容於仗衛析濯沐
於精華九鳳徘徊抱東井方諸之粹五龍臺
齋注南宮流汨之美其不勝虔祝之至

元皇開度天尊

引至巾笥司上香

焚香供養靈寶巾笥司靈官青玄金木仙衣
玉女仙帶玉女仙車玉女冠帶仙官一切真
衆仰冀威靈垂慈鑒映伏以清微下度人之
今十極歸仁靈寶列如意之曹萬司贊化玄
壇肇啓丹烟潛孚以今其資薦亡故其及一

切產魂神淪沒於血湖衣裳腥穢識浮沉於
業海容止恟惶期未放於天光盍假依於神
既未章啓奏玉敕宣傳駐景前惟幸從容於
再宿承流中陞庶蔭覆於九垓法衆運誠志
心奉請

請神 三獻

步虛

其上啓靈寶中笥司靈官真衆伏以冥關鬱
絕九幽杳隔於陽光列職森羅萬劫提携於
陰暗亡故其及一切產魂命淪穢境神墮寒
庭莫全五體之威儀安望六銖之織履行將
攝召來款司存願騎御之傾先布繭絲之正
化配乾坤上衣下裳之妙佩服陸離成坎離
陽變陰合之功容儀濟楚其不勝虔祝之至

元皇開度天尊

引詣壇前向門外行催召

靈寶領教濟度金書卷之一百十六